

Saturday, May 3, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

FINANCIAL FRAUD TOPS CYBERCRIME CHART IN MIZORAM

Cyber Crime Police Station hnuaiah Kum 2020 January atanga kumin March thla thlenga chhinchhiah danin case ziah luh hrang hrang zingah sum lama inbumna case a tam ber a, sum lama inbumna case ziahluh chu za zela 56.38 a ni.

Cyber Crime chhinchhiah danin sum lama inbumna hi case 181 ziahluh niin heng te hi online hmanga inbumna te leh midang sum dawt phuahchawp hmanga lak sak te a ni a, heng bakah hian Cyber Crime chuan rukruk vangin case 32 ziak lutin naupang hursualna avanga case ziah luh 16 a awm baw k a, social media kaltlanga invauna case 9 leh phalna neiloa mi thil lakchhawn avangin case 7 leh dawt hmanga thu thehdarh avangin case 5 ziak lutin heng bakah hian mi account hack avangin case 1 an ziak lut tawh a ni.

Cyber Crime Police Station tarlan danin kum 2021 atanga kumin March inkarah hian sum lama inbumna atangin cheng vbch 1 leh nuai 42 chu hmuh let a ni tawh a, kum 2022 ah sum lama inbumna chunchang case ziahluh tam ber niin case 158 ziahluh a ni a, kum 2023 ah case 72 ziahluh a ni baw k.

Kuminah hian March ni 11 thleng khan cyber crime case 13 ziahluh tawh niin heng zinga 6 chu mipat hmeichhiatna rawngkaia invauna niin case 4 chu sum lama inbumna a ni.

Chhinchhiah danin kum 2021 atangin cyber crime case vangin mi 113 man an ni tawh a, heng zingah hian kum tlinglo pawh telin cyber crime vanga man mi 113 zinga 40 chu thiamloh chantir tawh an ni.

Mizoten Internet kan hmelhriatna leh kan nunphunga kan hman tangkaina la reilo mahse kan nitin nunah hmun pawimawh a chang chho zel a, Thalaite chauh ni lovin nu leh pa te thleng pawhin internet kan hmang nasa hle a, hetihlai hian sualna pawh lo pung chho ve zelin tunlai thiamna hmanga pawisa inthawn awlsam tawhna khawvelah inbumna pawh alo hluar chho ve zel a, Tun hnuaiah phei chuan internet kaltlanga sum lama inbumna tam tak hriat tur awmin mipuiten heng lak atanga kan inthiar fihlim theih nan kan fimkhur tlan a pawimawh hle a, hriatchian loh laka inven hmasak bakah eng thilah pawh a hre zawk te zawh hmasak fo hi kan him tlan theih nan a pawimawh hle a ni.



GST COLLECTION

Ramchhunga state hrang hrang Goods and Services Tax dinhmun tarlanah Mizoram GST chu nikum 2024 April thla chhunga khawn aiin za zela

-28% in a tla hniam a, kumin March thlaa GST in kum hmasa March GST chu za zela 8% in a phak lo bawk.

India ram pumpui anga GST chhiah khawn a pun mek laiin Mizoramin GST a khawn zat hi a tlahniam nasa hle a, nikum April thla a phak lohna hi cheng vbch 30 chuang niin (-28%) a ni.

Hetihlai hian India ram kumin April thla chhunga GST chhiah a khawn zat chu cheng vbch 2 sing 3 sang 7716 niin thla hmasa March khawn zat cheng vbch 1 sing 8 sang 6141 aiin cheng vbch sing 5 sang 1575 in a tam zawk tih Finance ministry thu chhuah chuan tar langin nikum April thla nena khaikhina a punna chu 12.6% a ni.

India ram pumpui anga GST chhiah khawn a pun mek laiin Mizoramin GST a khawn zat hi a tlahniam nasa hle a Chhiah tla hniam ina entir chu Sawrkar in sum hman tur a neih loh vangin ram economy a tlahniam tihna a ni a. Hei hian hriselna, zirna, hmasawinna ruhrel leh khawtlanga hmasawinna kawnga sawrkar sum hman a tla hniam tihna a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah thin a ni.

Zanin dar 6 leh a chanve-ah Chanchinthar hi puan leh a ni ang.



WATER SHORTAGE

Tunhnaia ruahsurin Aizawl tui tlan atih nut avangin tui pump chawlh rih a ni a, pump leh theih hun hriat ala nilo a. Tui nut zawng hi tukin dar 8:15 AM a teh dan ah chuan NTU 932 a ni a. Thawk tute chuan tui pump leh theih hun hriat a nih loh avangin mipuite tui ren turin an chah.

Nimin leh nimin piah lama ruah sur avang hian Mizoram hmun hrang hranga tuilak kawngah harsatna a thleng a, Champhaiah chuan khawpui tuilakna, Khawchhak tuipui chu nasa takin a nu a, Tuipui tui PHE in an Pump-na chu mipui ei in atana Pump tlak lohva a nut mek avangin PHE Department chuan tui an Pump theih hun tur an sawi thei lova, hemi avang hian hun engemaw chen chu Mipui tui in tur an Pump thei dawn lo tih an sawi.



AMC ON STREET VENDOR

Aizawl Municipal Corporation thupek anga Venghlui leh Tuikual South huamchhunga kawngkama thilzuar thin ten AMC Multi Complex Tuikual

South-a an insawn thlak hnuah thilzuar te chuan dawrtu an hmuh zawh loh thu an sawi.

Akashvani palai in thilzuar an kawmna ah he thu hi an sawi a, thilzuar te chuan AMC Multi Complex Tuikual South chu ruahsur leh thildangah him zawk mahse an inhralh mumal loh thu an sawi a ni.

Treasury Bazar Secretary Pu C. Lalrinawma chuan a hmaa an thutna chu mipui pan a awlsam zawk avangin an in hralh that zawk thu a sawi a, AMC Multi Complex ah insawn thla vek theih chuan bazaar thu te leh thil leitu te tan a awlsawm zawk a rin thu sawiin AMC Multi Complex ah thuneituten an thutna hmun tur ngaihtuah sak se a duh thu a sawi bawk.

AMC Municipal Commissioner Pu Joseph H Lalramsanga chuan Venghlui leh Tuikual South huamchhunga thil zuar thin te chu AMC Multi-Complex Tuikual South-ah in sawn vek turin zirtawpni khan ngenna a lo chhuah tawh a. Kawng kama thil zawrh phal lohna hmunah thut phal anilo tih sawiin dan palzut te hi cheng sang 5 thleng chawi tir theih an nih bakah an thil zawrh man sak theih an ni a ti a, mipuite chu phalna hmuna thil zuarte dawr turin an ngen tih a sawi bawk.

